


雲南通志

沿革大事攷 本

內閣文庫	
番號	漢 14228
冊數	40 (3)
函號	史 137 3

0 1 2 3 4 5 6 7 8 9 10



雲南通志卷之第三

沿革大事攷

攷沿革於滇其來久矣滇自梁州紀夏百濮盟
周已見經傳迨莊躋自王迄於兩漢漸已臣服
置吏下逮隋唐駸駸乎來享來王矣然其間叛

服不常時通時塞蒙段諸蠻彝觸鬪穴爭不勝
紀載宋初雖以玉斧畫疆置之域外皇祐而後
遣使入貢亦有可書元明以來經畧愈煩改土
設流區畫甚善我

朝定鼎撫有遐荒

聖天子神武布昭紀綱振肅規模更爲宏遠其酌因

革之宜以措此南服於久安者大書特書政未

有艾夫彰往可以察來綜歷代而編次之亦鏡

滇得失者所不廢也作沿革大事志

唐

堯因顓頊所建九州西南爲梁州

虞

舜肇十有二州一爲梁州

夏

禹貢九州華陽黑水惟梁州

商

湯奄有九有制如夏

周

武王伐紂濮人會於孟津

成王合梁於雍

越裳氏獻白雉重譯來朝及返迷失故道周公錫

春以指南車期年乃至其國

春秋百濮與庸伐楚

百濮隨糜人伐楚

楚頃襄王使莊躡將兵循江上畧巴蜀黔中以西

躡至滇池以兵威畧定屬楚欲歸報會秦擊楚

巴黔道塞因還以其衆王滇

秦

使常頌畧通五尺道置吏

漢

武帝元光五年正月通西南彝初建元六年王恢

討東越使番陽令唐蒙風曉南越南越食蒙以

蒟醬問所從來曰道西北牂牁江蒙歸問蜀賈

人知蜀出蒟醬多竊持出市夜郎夜郎臨牂牁

江西南越以財物役屬之蒙乃自上且言夜郎可

通狀上拜蒙為中郎將從筰關入見夜郎侯多

同喻以威德聽約置吏發卒治道指牂牁江人

多物故逃亡者用軍興法誅之民大恐上使司

馬相如諭告還報言邛笮冉駹等可置郡縣上

又拜相如為中郎將建節往使西彝皆請為內

臣南至牂牁西至沫若水樸人張叔盛覽往受
經學歸教鄉人

元朔三年西南彝數反兵擊無功上患之使公孫
弘往視問還對言其不便上罷西彝獨置南彝
夜郎兩縣一都尉

元狩元年五月始通滇國初張騫至大夏見邛竹
杖問所自曰得之身毒國歸以白上乃命王然
于栢始昌呂越人等四道出求身毒至滇滇王
常羗即莊與使者言漢孰與我大夜郎亦然使

者還盛言滇大國足事親附天子注意焉

元狩三年秋上將討昆明以昆明有滇池乃鑿昆
明池於長安習水戰

元鼎六年冬且蘭侯反殺使者隔滇道乃遣中郎
將郭昌衛廣擊誅之夜郎侯懼入朝以爲夜郎
王丹驪之屬皆震恐請臣置吏復使王然于以
兵威風諭滇王入朝

元封元年中郎將司馬遷奉使西征巴蜀南略邛
笮昆明還報命是歲天子始建漢家之封

二年秋遣郭昌將兵略滇初滇東北有勞深靡莫

同姓相伏未肯聽命復遣郭昌擊滅之以兵臨

滇滇王降以其地為益州郡賜滇王玉印仍長

其民

初武帝惡羌言不遜伐之因天竺白飯王齋仁果為眾所推詔立為滇王治白崖號白子國莊氏世絕

六年春遣使通大夏昆明彝殺使奪幣物乃赦京

師亡命遣郭昌將以擊之後復遣使竟不得通

昭帝始元年二月益州廉頭姑繒民反發蜀郡

犍為犇命萬餘人擊破之

四年秋姑繒糾標榆復反遣水衡都尉擊之敗績

五年秋復遣軍正王平大鴻臚田廣明擊之時鉤

町侯毋波從征有功明年立為鉤町王

宣帝神爵元年三月遣諫大夫王褒求金馬碧雞

之神時蠻火叛路莫能通乃就蜀郡移文醮祭

及還道病卒

成帝河平二年夏夜郎王興鉤町王禹漏臥侯俞

東舉兵相攻遣大中大夫張匡持節和解不從杜

欽薦蜀郡諫立為牂牁太守從吏數十人行縣

至且同亭召興至斬之衆遂釋兵禹俞震恐降
 東漢光武建武十四年以任貴為越嵩太守初王莽時
 益州數叛馮茂廉丹史熊前後攻之不克越嵩
 蠻任貴亦殺太守枚根降於公孫述益州太守
 文齊拒之至光武即位牂牁大姓龍傳尹等與
 文齊同保境奉貢於漢任貴乃降
 十九年棟蠶姑復樸榆弄棟反遣威武將軍劉尚
 四討之路由越嵩任貴釀毒酒勞軍尚覺掩襲誅

示之明年棟蠶等平
 三十七年哀牢彝賢栗等率種人詣越嵩太守鄭
 鴻降求內屬封為君長
 明帝永平元年姑復彝復叛益州刺史發兵討破
 之
 十二年春哀牢王柳貌率衆內屬以其地置哀牢
 永博南三縣割益州郡西部六縣為永昌郡始通
 章博南山渡蘭滄水哀牢王賤卒又開平越博之
 十七年白狼王唐敢作詩頌漢功德

樸榆等六處獻貢

章帝建初元年八月哀牢王類牢反明年破斬之

時昆明彝鹵承應募有功封為傍邑侯

元和二年龍馬出滇池甘露降白鳥見詔列郡建

學

和帝永元九年揮國王雍由調遣重譚貢珍寶賜

以金印紫綬小君長皆加印綬錢帛

安帝永初元年徼外僬僿種彝陸類內附

元初四年七月越雋彝封離叛遣中郎將尹就討

之敗績詔還以兵屬益州刺史張喬

五年春永昌等三郡彝叛應封離衆至十餘萬破

三二十餘縣焚掠百姓千里無人

六年十二月張喬遣從事楊竦擊封離等大破之

離乞降竦因奏長吏姦滑激亂者九十人皆滅

死論

永寧元年揮國王雍由調復遣使朝賀獻樂及幻

益人封雍由調為大都尉

靈帝熹平五年夏殺永昌太守曹鸞以其請赦黨

益州蠻叛太守李顥刺史龐芝討平之

蜀漢

後主建興元年六月益州耆帥雍闓殺太守求附於吳又使郡人孟獲誘煽諸彝牂牁越雋皆叛

應闓

三年春三月丞相諸葛亮南征叅軍馬謖進曰用兵之道攻心為上攻城為下心戰為上兵戰為下願公服其心而已亮納之

七月亮至南中所至戰捷由越雋入斬闓等獲收其餘衆拒亮亮募生致之既擒使觀營陣復縱之皆更戰七縱七擒猶遣獲獲不去曰公天威也南人不復反矣遂入滇池益州永昌牂牁越雋四郡皆平亮卽渠率而用之或以為疑亮曰不置兵不運糧綱紀粗定彝漢粗安故耳收其俊傑十為官屬出其貨物給軍國以仁果十五世孫龍佑那為蠻長賜姓張氏

改益州郡為建寧郡以李恢為太守分建寧永昌

置雲南郡以呂凱為太守分建寧牂牁置興古郡以馬忠為太守

十一年彝帥劉胄反都督馬忠擊斬胄將軍張嶷等復平之

延禧三年叟彝數反殺太守龔祿焦璜亮遣張嶷討之生縛其帥誅其首惡諸種落皆降

晉

武帝泰始七年八月分益州之南中四郡置寧州太康三年八月廢寧州入益州立李毅為南彝校尉護之

尉護之

惠帝太安元年八月建寧李叡毛詵逐太守杜俊朱提李猛逐太守雍約以應蜀寇李特李毅討

勦斬詵叡走依五苓彝猛以箋降毅惡其言不遜誘殺之冬十一月詔復置寧州以毅為刺史

二年五苓彝帥于陵承詣毅請恕叡罪毅許諾及至殺之諸彝遂反奉建寧太守馬恢為刺史毅

出軍救恢及聞其情乃殺恢而令于陵歸出光熈元年三月五苓彝圍寧州毅病請救未達卒

天毅女秀明達有父風衆推領州事將勵戰士嬰
 城固守城中糧盡炙鼠拔艸而食伺彝稍息出
 兵掩擊破之時治中毛孟詣京師告急上不之
 省孟情詞哀迫朝廷憐之乃以王遜爲寧州刺
 史
 懷帝永嘉四年十一月王遜表李毅子釗爲朱提
 太守隨擊賊五苓彝以地勢形便上分牂牁爲
 平彝郡分朱提爲南廣郡分建寧爲夜郎郡分
 永昌郡爲梁水郡又改益州郡爲晉寧郡從之

時寧州外逼李雄內多彝寇遜極其招撫遠近
 畏服但誅殺太過諸彝皆有叛志

愍帝建興四年五月平彝太守雷炤殺南廣太守

孟桓帥二郡叛降李雄

明帝太寧元年正月李釗以郡叛降李雄

四月李雄遣李驥寇寧州王遜使將軍姚嶽大破


之於堂狼嶽不窮追及回遜鞭之怒甚髮上指

三冠爲之裂是夜遜卒詔除其子堅爲刺史

二年十二月梁水太守爨亮益州太守李暹以興

古叛降李雄本太守 三年五月陶侃以王堅懦弱不能禦寇表零陵太守尹奉為寧州刺史徵堅還奉殺爨亮降李暹四彝境乃安 成帝咸和二年正月寧州秀才龐遺起義兵攻李雄將任侗李謙等雄遣將羅恆費黑來救尹奉使姚嶽及朱提太守楊術援遺戰於臺登嶽敗績術死之 八年正月李雄將李壽陷寧州尹奉及建寧太守

高霍彪降之三年十一月 九年李雄分寧州置交州以霍彪為寧州刺史爨深為交州刺史初爨氏有東西黑白四種傳為交楚令尹之後西漢末白爨據曲州靖州昆州安寧等處黑爨據昆陽新興寧州威楚等處至晉 爨暹以建寧降雄深為興古太守兵敗亦降 咸康二年十月廣州刺史鄧嶽遣督護王隨擊夜郎新昌太守陶協擊興古並克之 四年八月分寧州置安州人



五年三月鄧嶽伐蜀建寧人孟彥執霍彪以降

八年罷安州并寧州

孝武帝太元五年苻秦以姜宇為寧州刺史南中

屬秦

宋

文帝元嘉十八年十二月晉寧太守爨松子反寧

州刺史徐循討平之

梁

高帝天監十三年十一月殺寧州刺史李晷初魏

太王足伐梁晷禦之歸而怨望足因殺晷

簡文帝大寶元年十月寧州刺史徐文盛敗侯景

兵於貝磯

隋肅宗備蜀

文帝開皇十七年二月南寧彝反詔以史萬歲為

行軍總管討之自蜻蛉川過諸葛紀功碑度西

南洱河入渠濫川破其三十餘部彝懼請降萬歲

由欲將其酋長爨翫入朝翫賂萬歲因舍之明年

復反蜀王奏其受賂縱賊除名爨翫懼入朝上

戮之沒其子弘達為廝唐高祖其會好變諸人陳諸萬數因舍之問乎
 高祖武德七年閏七月命韋仁壽檢校南寧州都
 督寄治越嶲初高祖釋爨弘達為昆州刺史諸
 彝皆內附遣使撫之類皆貪縱仁壽至法令清
 肅承制置七州十五縣各官其豪帥諸彝悅服
 遣子入貢後爨歸王代仁壽為都督開西爨靖
 蛉弄棟等縣十月
 太宗貞觀二十二年四月遣右武候將軍梁建方

討松外蠻遣使諭河蠻楊盛等皆降是年西洱
 河大首領楊同外東洱河大首領楊歛松外首
 領蒙羽皆入朝授官秩二十三年册建寧張樂進求為首領大將軍進求
 尋遜位於蒙氏蒙氏自舍危始盛舍危生獨邏
 曰細奴邏稱蒙舍詔其地在南又稱南詔高宗永徽四年細奴邏遣子邏盛炎入朝封巍州
 刺史

大勃弄楊承顛寇麻州都督任懷玉招之不從以

左領軍將軍趙孝祖為郎州行軍總管與懷玉討定之

顯慶元年七月西洱蠻會長楊棟附顯和蠻會長

王郎祁郎昆黎盤四州會長王伽衝等帥眾內

附

麟德元年置姚州都督府於弄棟川

咸亨三年正月姚州蠻寇邊殺長史李季讓等以

太子右衛梁積壽為姚州道行軍總管討之

上元元年細奴邏死子邏盛炎嗣武后時盛炎入

朝

中宗景龍元年六月吐蕃及姚州蠻寇邊姚嵩道

十討擊使唐九徵敗之吐蕃以鐵緹梁漾湍二水

十通西洱蠻築城戍之九徵毀緹平城建鐵柱於

滇池勒功

四年十二月姚州蠻反監察御史李知古擊降之

二因聚斂誅掠羣蠻怨怒引吐蕃攻殺知古姚嵩

路絕

邏盛炎死子盛邏皮立進封臺登郡王晉李襄

玄宗開元元年十月姚嵩蠻寇姚州都督李蒙死
之是年盛邏皮始用兵於五詔

二年盛邏皮遣張建成入朝

三年十月嵩州蠻寇邊右驍衛將軍李玄道伐之

十六年盛邏皮死子皮邏閣嗣

十七年二月嵩州都督張審素克雲南昆明城

十九年十二月殺嵩州都督張審素以其賊汚也

二十六年九月册皮邏閣為雲南王賜名歸義滇

有六詔莫能相一歷代因之以分其勢南詔至

皮邏閣逐河蠻取太和城又襲大釐城守之因

城龍口以處其子閣羅鳳其勢益強遂賂劍南

節度使王昱求合六詔為一許之乃誘焚五詔

於松明樓並有其地遷治太和城卒為邊患

天寶元年置姚州道州守捉使

五年歸義遣其孫鳳迦異入朝授鴻臚卿賜樂二

部管轄

七年十二月歸義死子閣羅鳳襲封雲南王詔以

其子鳳迦異為陽瓜州刺史

九年十月南詔反陷雲南郡初鮮于仲通為劍南
 節度使禍急失蠻彝心故事南詔與妻子俱謁
 都督過雲南太守張虔陀皆私之又多所徵求
 正閣羅鳳忿怒攻陷雲南殺虔陀取彝州三十二
 十年四月鮮于仲通將兵八萬討南詔鳳馳表陳
 虔陀之罪中官賈奇俊抑之不得達又遣使謝
 罪請還所俘掠仲通不許進戰西洱河大敗死
 者六萬人大將王天運死之鳳遂臣吐蕃吐蕃
 以為弟稱贊曾鍾給金印號東帝鳳乃刻碑國

門言不得已而叛唐楊國忠掩其敗狀復募兵

以擊之

彝稱命日鐘

十三年六月劍南留後李宓擊南詔為閣羅鳳所
 誘深入糧盡士卒饑疫引還蠻兵追戰全軍皆
 沒前後死者幾二十萬人國忠更以捷聞鳳因
 取雋州會同郡據清溪關以破越析
 代宗大曆元年閣羅鳳築羊苴咩城於太和之北
 名大禮國改偽號長壽
 十四年九月閣羅鳳死其子鳳迦異早死孫異牟

尋襲十月連吐蕃三道入寇州縣多陷神策都將李晟擊破之
德宗貞元三年正月異牟尋徙居羊苴咩城請內附初閣羅鳳獲西廬令鄭回回通經術鳳令子孫師事之及尋嗣以回爲相時苦吐蕃侵擾因說尋謂中國尚禮義有惠澤無賦役宜歸唐尋以爲然諸蠻頗得尋意白西川節度使韋臯臯遣課者遺書于尋吐蕃疑之因責大臣爲質尋愈怨潛求內附臯以聞乃命臯作書諭之尋決

策歸唐

四年四月異牟尋遣使入見
九年五月韋臯遺異牟尋書欲共襲吐蕃尋上表請從乃賜尋詔命臯遣使慰撫之
十年正月異牟尋大破吐蕃初韋臯遣巡官崔佐時持詔往諭異牟尋至則蕃使數百人先在其六國佐時大宣詔書勸尋悉斬蕃使去其所立之號尋從之與佐時盟於點蒼山時吐蕃徵兵雲南尋陽示寡弱遣兵五千應之自將數萬人踵

後晝夜兼行大破吐蕃於神川取鐵橋十六城
俘其五王獻捷京師
六月異牟尋遣弟湊羅棟清平官尹仇寬土地圖
方物及吐蕃金印請復號南詔詔以祠部郎中
袁滋充冊使賜銀窠金印尋北面跪受因宴滋
陳明皇所賜閣羅鳳器物且指笛工歌女曰皇
帝賜先君龜茲樂惟二人在耳滋諭以宜深思
祖德盡忠於唐尋拜曰敢不承使者所命
異牟尋攻吐蕃復取昆明城以食鹽地又破施蠻

順蠻並禽其王置白崖城因定麼麼蠻隸昆山
西爨故地破范蠻掠弄棟蠻以實雲南東北
十五年異牟尋謀擊吐蕃以遼川寧北等城當寇
路乃峭山深壑修戰備上許出兵助之又請以
大臣子弟質於臯臯辭固請乃盡舍成都咸遣
就學且言昆明嵩州與吐蕃接不先加兵必爲
所脇請臯臯圖
吐蕃謀襲南詔將以十月圍嵩州屯兵昆明又屯
西貢川異牟尋告於韋臯臯遣將武免屯黎州

嵩州以應之吐蕃引衆五萬自曩貢川分二軍
一攻雲南一軍攻嵩州臯以嵩州實往來道扞蔽
數州乃嚴兵以守別遣將襲擊降其帥吐蕃兵
氣頓衰退至鐵橋南詔毒其水人馬飲之多死
吐蕃益懼遂屯三瀘水復城悉搆悉搆吐蕃險
要也南詔與臯部將杜毗羅徂擊之

十六年南詔進奉聖樂舞御麟德殿觀之
十七年春南詔等夜絕瀘水斬吐蕃屯卒吐蕃保
鹿危山毗羅設伏以待吐蕃大酋皆降南詔又

合鬼主破之於瀘西吐蕃大懼乃戍納川等五
城欲悉師出西山劒山收嵩州以絕南詔臯遣
將那毗屯南北路趙昱戍黎雅州尋謂臯曰吐
蕃聲取嵩州實窺雲南請進軍羊苴咩城臯督
諸將分道與南詔會陳兵深入克城七焚堡百
五十所斬獲無筭臯班師帝遣中使慰尋尋自
是比年貢方物天子禮焉

憲宗元和三年七月異牟尋死遣使吊祭冊其子
尋閣勸爲雲南王賜元和新印

四年十一月尋閣勸死子勸龍晟立

十一年二月龍晟潘雲不道其臣王嵯巔弒之立

其弟利晟

穆宗長慶三年始賜勸利晟印是歲勸利晟死弟

豐祐嗣

蠻慕中國不連父名始此

詔遣京兆少尹韋審規臨

冊豐祐隨遣洪成會等入謝

文宗太和三年十一月豐祐與王嵯巔入寇時節

度使杜元穎不曉軍事脫削衣糧戍卒竄入蠻

境告以虛實遂為鄉導襲陷嵩戎州十二月抵

成都入其郭元穎保牙城以拒欲遁者數四蠻

大掠而去遣右領軍衛董質追擊之蠻復寇梓

州又寇蜀州豐祐遣使上表請誅元穎詔貶元

穎循州司馬

四年十月以李德裕為西川節度使蜀自南詔入

寇千里殘敝德裕至作籌邊樓凡山川險要悉

圖於上日召習邊事者訪之未踰月皆若身嘗

涉歷上命脩塞清溪關以斷南詔入寇之路德

裕上言通南詔細路至多不可塞惟重兵鎮守

可保無虞時欲詔北兵歸德裕奏言蜀兵脆弱
 新為南詔所困皆破膽不堪征戎若北兵盡歸
 蜀不可保朝廷皆從其請德裕乃脩甲冑器械
 率戶二百取一人習戰作雄邊子弟等十一軍
 築杖義城以制大度青溪之阻作禦侮城以控
 榮經犄角勢作柔遠城以扼西山吐蕃復邛崃
 關徙嵩州治臺登以奪蠻險舊制歲抄運內粟
 贍黎嵩州分餉諸戎常以盛夏苦瘴毒輦夫多
 死德裕命轉邛雅粟以十月為漕始先夏而至

運饋者不涉炎月邊民乃安

五年五月李德裕索南詔所掠百姓得四千人

六年南詔掠騾國民三千徙之拓東

武宗會昌六年九月南詔寇安南經畧使裴元裕

死之唐書本紀作敗之

宣宗大中十二年安南都護李瑑貪暴羣蠻怨憤

結南詔將段酋遷陷都護府南詔發朱弩佉苴

三千助之歲猶朝貢朱弩佉苴蠻親衛軍

十三年豐祐死子酋龍嗣酋龍本酋隆唐人以明皇諱改書龍

十二月南詔寇陷播州時節度使杜棕變韋臯制
 度屢擾蠻人祐死龍立朝廷以名近明皇諱不
 行冊弔會龍因僭稱皇帝建元建極偽號大禮
 宜國遂絕朝貢遣兵陷播州李勣會秦擊蠻感其
 懿宗咸通元年南詔遣使董成等至成都欲與節
 度抗禮李福囚之劉潼繼為節度釋成等召至
 京師厚賜遣還凡三千餘人
 二年七月南詔陷邕州先是廣桂容三道共發兵
 三千戍邕三年一代經畧使段文楚請罷三道

自募土軍許之所募僅五百人詔文楚還經畧
 使李蒙利其闕額衣糧以自入止以土兵戍守
 南詔乘虛入寇遂陷邕州而想解其
 九月杜棕上言南詔強盛未可輕絕應遣使弔祭
 諭令改名方行冊命上以孟穆為弔祭使會寇
 嵩州遂不行安南蔡美古
 三年二月南詔復寇安南經畧使王寬告急以蔡
 襲代之仍發兵五萬授襲兵勢既盛蠻遂引去
 會詔左庶子蔡京經制嶺南忌襲功奏南蠻遠

遁請罷戎兵從之襲執不可乞留兵五千累表
不報復極陳南詔伺隙久有十必死狀申中書
三時相信京言終不之省
冬十一月南詔寇安南蔡襲告急勅發兵赴之南
詔已圍交阯救兵不得至
四年正月南詔攻交阯甚急蔡襲錄異牟尋盟言
繫矢上射入其營不荅俄而城陷襲闔宗死者
七十人幕府樊綽取襲印走度江荆南兵入東
邪苦戰斬南詔二千級是夜蠻遂屠城蠻兵兩

陷交阯所殺幾十五萬人詔諸道兵退保嶺南
五年四月南詔寇邕州官兵敗沒節度使康承訓
不知所為有小枝率勇士三百人夜縋城出燒
其營蠻大驚解圍去承訓奏捷加檢校右僕射
而小枝不遷軍士怨憤蠻兵復掠雋州節度使
蕭鄴率屬蠻鬼主邀南詔大度河敗之
蠻俗尚鬼謂主
祭者為鬼主
蓋酋長也
六年復寇雋州刺史喻士珍開門降南詔因坑雋

州戍卒

七年六月高駘代康承訓為嶺南西道節度使屢
 六破蠻兵監軍李維周忌之奏其玩兵代以王晏
 權駢間道奏捷上大喜加校檢尚書鎮安南駢
 督勵再攻斬三萬餘級蠻皆歸附遂復交阯
 十年十月南詔傾國入寇十二月陷捷為及嘉州
 節度使竇滂潰逃遂陷黎雅詔左神武將軍顏
 慶復將兵援之先是南詔遣楊酋慶來謝釋輩
 正成之囚歸成都俘三千人定邊節度使李師望
 殺其使師望貪殘代以竇滂滂尤不法蠻遂入

四寇二月會諸漢平武州節度使楊酋慶

十一年三月南詔進攻成都節度使盧耽與刺史
 楊慶復共禦之耽告急於朝暫請遣使與和以
 抒一時之急詔以太僕卿支詳為宣禦通和使
 以緩其兵由是守備粗完既而蠻四面合攻耽
 命突將出戰焚其攻具乃退

十四年南詔寇黔中經畧使秦匡謀懼奔荆南
 僖宗乾符元年十一月南詔寇西川作浮梁濟大
 渡河防河兵馬使黃景復擊敗之適南詔新兵

繼至力戰三日景復潰十二月陷黎州入邛崃
 關攻雅州且遺書節度使牛叢乞假道入朝叢
 欲許之以楊慶復言斬其使畱二人還報授以
 書詈辱之蠻乃退

二年正月高駢節度西川南詔請和不許發兵追
 至大渡河斬其酋長五十收邛崃關復取黎州
 蠻遁駢召景復責大渡河之敗斬以徇
 三年正月南詔復奉書丐和駢斬其使
 四年二月曾龍死子法嗣請和許之曾龍為邊患

二十年唐室因之虛耗至法好畋獵酣飲事委
 大臣嶺南西道節度使辛讜奏南詔請和詔可
 五年四月南詔請和親無表又不肯稱臣詔百官
 議之
 六年正月辛讜遣巡官徐雲虔至善闡城責以大
 義法厚待雲虔授木夾送還

廣明元年六月盧攜豆盧瑑上言中原多故南詔
 寢強不若權與之和以息邊患從之以李龜年
 為宗正少卿充使徐雲虔為副詣南詔明年龜

年還南詔欵附對命雲南中和三年七月南詔遣楊奇肱來迎公主詔以蠻
 興巡幸儀物未備為辭奇肱不從詔以蠻
 十月以宗女為安化長公主妻南詔

昭宗乾寧四年南詔法死子舜化嗣十二月上書
 朝廷欲報之王建言臣在西南彼必不敢犯塞
 何足辱詔書遂止詔書遂止

天復二年南詔清平官鄭買嗣鄭回弒其主舜化
 遂滅蒙氏僭號大長和國蒙氏傳三十五世共二百五十年而亡

後梁太祖開平四年鄭買嗣死子旻立旻立
 乾化四年十一月南詔寇蜀蜀王建大破之自是
 南詔不復犯邊

後唐莊宗同光四年鄭旻死子隆嗣隆嗣
 明宗天成元年東川節度使楊干貞殺鄭隆立侍
 中趙善政

三年善政僭號大天興國干貞廢之自立僭號大

三義寧國 晉愍帝天興四年貞亮自立晉號大
後晉 愍帝

高祖天福元年通海節度使段思平討楊干貞
二年思平自立僭號大理國段氏先為武威郡人
自段忠國佐蒙氏為清平官六傳至思平為通
海節度干貞忌之匿於舅爨判家會善巨守高
方密招思平乃與弟思良軍師董伽羅就之遂
謀舉義借兵黑爨松爨三十七部會於石城引
兵渡河干貞敗走永昌自縊死思平遂僭號居

羊苴咩城

開運三年段思平死子思英嗣叔思良廢之自立
後周 天祥

太祖廣順元年段思良死子思聰嗣

宋

太祖乾德三年正月王全斌平蜀欲以兵威取滇
進滇地圖太祖鑒唐之禍以玉斧畫大渡河曰
大此外非吾有也由是雲南不通中國為段氏竊
據

開寶二年思聰死子素順嗣

太宗雍熙二年素順死子素英嗣中國為期月廢

真宗大中祥符二年素英死子素廉嗣大興國曰

仁宗乾興元年素廉死素英之孫素隆嗣避位為

僧傳於素廉之孫素貞

天聖四年素貞死孫素興嗣思聰嗣

慶曆元年國人廢素興立思平曾孫智思之子思

開廉嗣

皇祐五年正月狄青大敗儂智高於邕州智高走

高大理青募死士求之時智高已死段思廉乃函

其首送京師

神宗熙寧八年思廉避位傳子廉義

九年段廉義遣使入貢

元豐三年楊義貞殺其王廉義自立高智昇討殺

之立廉義子壽輝善闡侯高昇泰又廢之立思

廉孫正明

五年國人廢正明立善闡侯高昇泰段氏中絕

哲宗紹聖元年昇泰僭號大中國昇泰死子泰明

奉父遺命立正明弟正淳號後禮國以泰明為
相政令皆出其門

徽宗崇寧二年遣高泰連入朝求經籍得六十九

家

大觀二年正淳避位子正嚴嗣自立高晉攝政

政和七年二月廣州觀察使黃璘誘大理入貢詔

以其至段和譽為雲南節度使封雲南國王

即正

高宗紹興三年廣西奏大理求入貢卻之

六年廣西經略安撫司奏大理貢象馬詔護送行

在所優禮答之

十七年正嚴避位子正興嗣

孝宗乾道八年正興避位子智興嗣

九年大理李觀音得等至橫山寨求市馬

淳熙二年知靜江府張栻令邕管提舉司精選峒

丁以制大理

寧宗慶元六年智興死子智廉嗣

開禧元年智廉死傳弟智祥

理宗嘉熙二年智祥避位子祥興嗣

淳祐元年黎守閩師古言大理請道黎雅入貢安

撫使孟珙卻之

十一年祥興死子興智嗣令當管與舉回諫惡嗣

十二年為元憲宗二年八月遣太弟忽必烈征雲

南諺云入平五典興智平降興嗣入貢

寶祐元年九月元師次忒刺以大將兀良合台總

諸軍事分為三道太弟率勁騎由中道至滿陀

城過大渡河遣三使入大理招段興智皆被殺

大理相高泰祥守金沙江太弟令革囊以濟入

白蠻打郭寨十二月薄大理城屢戰皆捷兩路

兵亦至興智與泰祥棄城走太弟從姚樞之言

下令不殺按兵入城安堵如故命姚樞訪圖籍

祭三使追興智不及獲泰祥不屈斬於姚州

太弟班師畱兀良合台攻善闡擒段興智詔赦從

世征烏白蠻各部遂入吐蕃其酋出降西南彝悉

平得五城八府四郡三十七部悉為郡縣以劉

時中為宣撫使同興智安輯大理兀良合台畱

鎮伐交趾及車里等彝皆降大理王貞合合

元 世祖中統元年段興智入朝道卒

二年段興智弟信苴日入朝賜虎符詔領大理諸

郡

四年八月置元帥府於大理命昔撒昔總制鬼國

大理兩路

至元元年東爨舍利畏倡亂諸部益起信苴日合

兵討平之

四年八月以皇子忽哥赤為雲南王九月移鎮大

理

七年十二月金齒驃國三部會長內附

八年五月分大理等處為南北中三路置中書省

於善闡改名中慶路共為路三十七甸四十八

勅遣阿魯忒兒等撫治大理詔諭諸蠻

十一年上謂賽典赤曰雲南比因委任失宜使遠

人不安欲選長厚者撫治莫過於卿賽典赤即

訪熟知雲南地者畫其山川城郭彝險遠近為

圖以獻帝悅遂拜平章政事行省雲南並以信
苴日爲大理總管
十二年正月賽典赤以改定雲南諸路名號來上
又言雲南風俗未變宜建學明倫貿易未諳鈔
法交會貳子公私皆便從之
十四年四月廣南溪洞儂土貴左江李惟屏右江
岑從毅等皆納款交趾王至雲南乞爲外藩
緬蒲甘彝寇金齒賽典赤遣萬戶忽都等攻之敗
四走

十五年五月詔烏蒙路總管阿牟置驛路聽賽典
赤節制

十八年以信苴日爲宣撫使都元帥等拜雲南路
行中書省叅知政事

十九年二月遣諸王相若吾兒右丞大卜叅政也
罕的斤征緬信苴日迎師至金齒病卒以其弟
忠爲大理宣慰司軍民萬戶府子慶爲宣慰使
都元帥佩金虎符

二十年七月開雲南驛路分亦奚不薛地爲三設

官治之
十一月相答吾兒等分道擊緬招討使怯烈造舟於阿昔阿禾兩江順流攻之拔江頭城遣使招其王不應進拔太公城緬降
二十一年正月金齒十二部皆內附置卯牙宣慰司於蒲甘命雲南王率怯烈移鎮緬

二十七年以宗室鎮善闡與段氏構隙分城
二十九年四月設雲南諸路學校以蜀士克教官成宗大德四年五月緬人僧哥倫作亂緬王執其

兄阿散哥也尋釋之阿散哥也率其黨弑王王次子奔愬京師詔遣薛超兀兒等率行省討之緬阿散吉牙等赴闕請罪遂罷兵

十二月丞相完澤因雲南左丞劉深之言勸帝征八百媳婦以彰武功哈喇哈孫力諫不聽命深及哈帶將兵以往中丞董士選亦極言不便不聽

五年五月劉深兵次順元遠冒烟瘴轉餉艱難士卒糧夫死者數十萬人又脇求水西土官之妻

蛇節金三千兩馬三千匹蠻酋宋隆濟遂連蛇
正節率苗獠反攻破黃楊諸寨進攻貴州知府張
懷德力戰死遂圍深窮谷中梁王濶濶救之賊
稍卻

七月征緬師還為金齒諸蠻所遮士多戰死詔薛
超兀兒移兵討之無功

九月免薛超兀兒為庶人誅高慶察罕不花以征
緬時受賂倡還故也

十一月上因劉深敗始悔不用哈喇哈孫董士選

四之言復遣劉國傑及楊賽因不花率川湖各省
兵討宋隆濟及蛇節別勅梁王提兵應之

六年正月劉深等糧竭引還隆濟邀之士卒殺傷
殆盡御史中丞陳天祥上書諫罷征不報

三月烏撒烏蒙東川芒部及武定威楚會安諸蠻
因蛇節之亂皆乘釁叛上遣也速解兒等會劉

國傑進討之時國傑方征順元不及來會速解
兒等分兵次第平之因免劉深官

七年三月劉國傑師出播州與賊戰失利乃令軍

各一盾布釘其上陣合棄盾佯走賊逐之馬遇
盾皆什國傑鼓躁趨之賊大敗數日復破於墨
特川斬蛇節追禽隆濟餘黨相繼平劉深論死
會赦有司議釋深哈喇哈孫曰邀各首孿喪師
辱國非常罪比遂誅深罷雲南分省
武宗至大二年十一月八百媳婦及徹里諸蠻作
亂遣雲南右丞莫只兒威往招諭之爲賊所賂
復以肆掠敗還

四年五月復遣兵擊八百媳婦侍御史趙世標諫

曰蠻彝事在羈縻先朝用兵不已致亡失軍旅
誅戮省臣今當選重臣知體者付以邊寄兵宜
無用不聽

文宗至順元年三月雲南諸王禿堅叛陷中慶路
自稱雲南王以萬戶伯忽爲丞相阿禾等爲平
章事聞遣豫王阿剌忒納失里督諸將討之

五月雲南宣慰使祿余等叛附於禿堅羅羅諸蠻
相繼作亂殺雲南行省平章帖木兒不花復遣
諸王雲都思帖木兒將江浙兵同湖廣省臣脫

雲南通志
卷之三
三
歡討之

二年四月豫王及各省進兵斬伯忽阿禾復中慶
路諸蠻亦降遣使獻捷言叛者或誅或降雖已
畧定餘者遊竄山谷不能必其無反側乞分兵
鎮遏餘皆遣還從之

九月祿余復寇順元等路雲南都元帥怯烈潛師
擊破賊砦誅禿堅一第三子祿余遁明年乞降
并請改附四川賊平

三年雲南饑五月詔蠲本省田租三年

